

džěci. — Miss. Póslow čita so 50 a tež wjetša ličba Serbskich Nowin.

Wustaw: Wićazowy (Lehmannowy) legat w Klukšu: 72 hr.

Swójbne mjena (někotre): Bjenada, Bubnař, Běrka, Bukaň, Budař, Doržan, Gronik, Hajnik (Heinick), Jaršk, Křižan, Khěžnař, Khěžnik, Kowař, Korčmař, Krawc, Měto, Mjedak, Michałk, Mudař, Nětšk (Netschke, t. j. Natusius-k), Polan, Pohoňč, Połdrak, Ščěpan, Smoła, Šořta, Šurk, Wjack, Wukowski, Zar (n. Sahr), Zahrodnik, Zmij, Žid.

XIII. (7. 4.) Kotowska wosada a Malećicy.

Do Kotowskeje wosady słušatej wsy: 1) Kotecy (Kotitz) z Delnimi a Małymi Kotecami (Nieder- und Klein-Kotitz) a 2) Žarki (Särka).

Cyrkej: Wšitke njedzele a cyłe swjate dny je najprjedy serbska a potom němska Boža služba; na 3. a pořswjatych dnjach je jenož serbski kemš. Serbska spowědz je za lěto 22, němska pak 7 króć; hdyž je němska spowědz, tehdy je tež němska Boža služba prjedy serbskeje. — Paćeřska wučba serbskich džěci je serbska.

Fararjo: 24) Matij Herman z Worcyna, 1766—71, † 34 lět stary; 25) Jakub Hejdan (Heydann) z Wotrowa p. H. Wujezda, nan: młynk, 1771—81, † 57 l. st.; 26) Karl Bohuwěr Brač (Brahtz), syn Ketličansk. far., 1782—88, bu potom farař w Dubcu; 27) Handrij Panach z Bobole p. Bud., 1788—93, potom farař w Krjebi, 1795 substit. a 1797 woprawdź. farař w Ketlicach, † 1849, 86 l. st.; 28) Aug. Theod. Rudolf Mejń (Möhn), * 1767 w Njeswačidle, syn fararja, tu far. 1793—1808, potom archidiakon w Lubiju, 1832 substit. tamnišeho primaria Brücknera, 1835 sam past. prim. tam, † 1841; 29) Michał Kilian, * 1775 w Delanach p. Bukec, 1809—36 (†); 30) Jan Kilian, * 1811 w Delanach p. B., wnuk swojeho prjedownika, zložil zastojnistwo 1848 a wučahny z wjacorymi starolutherskimi wučahowarjemi do Ameriki a bě tam jich farař w Serbinje (Lee County Texas) při serbskoluth. cyrkwi sw. Pawoła, † 1884; 31) Jurij Ernst Wanak (Wannack), * 1817 w Njeswačidle, 1843 měščanski wučer w Budyšinje, 1848—50 farař tu, 1850 vicedirektař při krajnostawskim wuč. seminariju w Budyšinje, hl. č. 33; 32) Karl Bjedr. Aug. Hilbrig, * 1821 w Poršicach, 1847 měščanski wučer w Budyšinje, 1850—58 farař tu, 1858 farař w Rakecach, 1861 w Hrodzišću, † 1866; 33) Jurij Ernst Wanak, zaso 1858, je wot 1859 farař we Wóslinku; 34) Jan Rudolf Rychtař, 1859—76, hl. pod.